

**Летопись преподобного
Нестора, по Лаврентьевскому
списку**

**Москва
«Книга по Требованию»**

УДК 93
ББК 63.3
Л52

Л52 Летопись преподобного Нестора, по Лаврентьевскому списку / – М.: Книга по Требованию, 2024. – 176 с.

ISBN 978-5-518-10348-1

ISBN 978-5-518-10348-1

© Издание на русском языке, оформление
«YOYO Media», 2024

© Издание на русском языке, оцифровка,
«Книга по Требованию», 2024

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

ЛѢТОПИСЬ

ПРЕПОДОБНАГО НЕСТОРА.

ДРЕВНІЙ ТЕКСТЪ.

Се повѣсти временныхъ лѣтъ (черноризца Феодосьева манастиря Печерскаго), откуда есть пошла Руская земля, кто въ Кіевѣ нача первѣе княжити и откуда Руская земля стала есть.

Се начнемъ повѣсть сію. По потопѣ первіе сынове Ноеви раздѣлиша землю, Симъ, Хамъ, Афетъ. И яся вѣстокъ Симоу: Персида, Ватръ, тоже и до Индикія въ долгоу, и въ ширину и до Нирокурія, якоже рещи отъ вѣстока и до полуденя, и Сурія, и Мидія по Ефратъ рѣку, Вавилонъ, Кордуна, Асуряне, Мисопотамира, Аравія старѣйшая, Елмансъ, Инди, Аравія силная, Куліи, Комагны, Финикія вся. Хамови же яся полуденная страна: Еюпегъ, Еѡвопья, прилежащія ко Индомъ, другая же Еѡвопья, изъ нея же исходитъ рѣка Еѡіопская Чермна, текущи на вѣстокъ, Ѡива, Ливія прилежащи до Кириніи, Мармарія, Суритъ, Ливуи другая, Нумидя, Масурія, Мавританья противу суши Гадиръ; сущимъ же ко востокомъ имать Киликію, Памѣфілію, Писидію, Мосію, Лукаонію, Фругію, Камалію, Ликію, Карію, Лудью, Масію другую, Троаду, Еолиду, Вифунію, старую Фругію; и острова пѣки имать: Сардани, Критъ, Купръ, и рѣку Гѡону, зовемую Нилъ. Афету же яшась полунощныя страны и западныя: Мидія, Альванья, Арменія малая и великая, Кападокія, Фегдагонн, Галатъ, Колхисъ, Воспоріи, Меоти, Деревн, Сармати, Тавріани, Скуѡія, Фраци, Макидонья, Далматія, Молоси, Ѡесалья, Локрія. Пеленія яке и Полопонисъ наречеса, Аркадія, Ипиронія, Илюрикъ, Слоѡѡне, Лухитія, Аньдріакія, Оньдрѣятинская пучина; имать же и острова: Вританію, Сикилію, Евію, Родока, Хіона, Лѣзвона, Ко-

фирана, Закуньфа, Кефалинья, Ифакину, Керькуру, часть Асійскія страны, нарицаемую Онію, рѣку Тигру, текущую между Миды и Вавилономъ; до Понетъскаго моря на полнощныя страны, Дунай, Дьябъстръ, и Кавкасиискія горы, рекше Угорьски, и оттудѣ доже и до Днѣпра; и прочая рѣки: Десна, Припеть, Двина, Волховъ, Волга, яже идетъ на востокъ въ часть Симву. Въ Афетовѣ же части сѣдять: Русь, Чюдъ и вси языци, Меря, Мурома, Вель, Моръдва, Заволочьская Чудъ, Пермь, Печера, Ямь, Угра, Литва, Зимъгола, Корсь, Сѣтъгола, Любь; Ляхове же, и Прусци, Чудъ присѣдять къ морю Варяжъскому; по сему же морю сѣдять Варязи сѣмо ко вѣстоку до предѣла Симва, по тому же морю сѣдять къ западу до землѣ Агнянски и до Волошьски. Афетово бо и то колѣно: Варязи, Свец, Урмане, Готѣ, Русь, Агняне, Галичане, Волъхва, Римляне, Нѣмци, Корлязи, Веньдици, Фрягове и прочіи; доже присѣдять отъ запада къ полуденю и съсѣдяться съ племенемъ Хамовымъ.

Симъ же, и Хамъ, и Афеть, раздѣливше землю, жребьи метавше не преступати никомуже въ жребіи братень, живяху каждо въ своей части. Бысть языкъ единъ. и умножившемся челоукомъ на земли, помыслиша создати столпъ до небесе, въ дни Нектана и Фалека; и собрашася на мѣстѣ Сенаръ ползати столпъ до небесе и градъ около его Вавилонъ, и создаша столпъ за 40 лѣтъ, несвершенъ бысть. И сниде Господь Богъ видѣти градъ и столпъ, и рече Господь: се родъ единъ и языкъ единъ. И смѣси Богъ языки, и раздѣли на 70 и 2 языка, и разсѣя по всей земли. По размѣшеніи же языкъ, Богъ вѣтромъ великимъ разруши столпъ; и есть останокъ его промежю Асюра и Вавилона, и есть въ высоту и въ широту локоть 5433, и въ лѣта многа хранимъ останокъ. По разрушеніи же столпа и по раздѣленіи языкъ, пріяша сынове Симови вѣсточныя страны, а Хамови сынове полуденьныя страны, Афетови же пріяша западъ и полунощныя страны. Отъ сихъ же 70 и 2 языку бысть языкъ Словѣнескъ отъ племени Афетова, Норци, еже уть Словѣне.

По мнвозѣхъ же времянѣхъ сѣли суть Словѣни по Дунаеви, гдѣ есть нынѣ Угорьска земля и Болгарьска. Отъ тѣхъ Словѣнъ разидошася по землѣ и прозвашася имени своимъ, гдѣ сѣдше на которомъ мѣстѣ: яко пришедше сѣдоша на рѣцѣ

имянемъ Морава и прозвашася Морава, а друзиі Чеси нарекошася; а се ти же Словѣни Хровате Бѣлиі, и Серебь, и Хорутане. Волхомъ бо нашедшемъ на Словѣни на Дунайскіи, сѣдшемъ въ нихъ и насилящемъ имъ, Словѣни же ови пришедше сѣдоша на Вислѣ и прозвашася Ляхове, а отъ тѣхъ Ляховъ прозвашася Поляне, Ляхове друзиі Лутичи, ини Мазовшане, ини Поморяне. Также и ти Словѣне пришедше и сѣдоша по Днѣпру, и нарекошася Поляне, а друзиі Древляне, зане сѣдоша въ лѣсѣхъ; а друзиі сѣдоша межю Припетью и Двиною, и нарекошася Дреговичи; иниі сѣдоша на Двинѣ и нарекошася Полочане, рѣчки ради, яже втечетъ въ Двину, имянемъ Полота, отъ сея прозвашася Полочане. Словѣни же сѣдоша около езера Илмеря, прозвашася своимъ имянемъ, и сдѣлаша градъ, и нарекоша и Новъгородъ; а друзиі сѣдоша по Деснѣ, и по Семи, по Сутѣ, и нарекошася Сѣверъ. Тако разидеся Словѣнскій языкъ; тѣмже и грамота прозвася Словенская.

Поляномъ же жившимъ особѣ по горамъ симъ, бѣ путь изъ Варягъ въ Греки; и изъ Грекъ по Днѣпру, и верхъ Днѣпра волокъ до Ловоти, по Ловоти внити въ Илмерь озеро великое, изъ него же озера потечеть Волховъ и втечетъ въ озеро великое Нево, того озера внидетъ устье въ море Варяжское, и по тому морю ити до Рима, а отъ Рима прити по тому же морю ко Царюгороду, а отъ Царягорода прити въ Понтъ море, въ не же втечетъ Днѣпръ рѣка. Днѣпръ бо потече изъ Оковьскаго лѣса, и потечеть на полъдне; а Двина изъ того же лѣса потечеть, а идеть на полунощье. и внидетъ въ море Варяжское; изъ того же лѣса потече Волга на вѣстокъ, и втечетъ семьдесятъ жерель въ море Хвалисское. Тѣмже и изъ Руси можетъ ити въ Болгары и въ Хвалисы, на вѣстокъ донти въ жребіиі Симовъ; а по Двинѣ въ Варяги, изъ Варягъ до Рима, отъ Рима до племени Хамова А Днѣпръ втечетъ въ Понетское море жереломъ, еже море словеть Руское, по нему же училъ святыиі Ондрѣиі, братъ Петровъ.

Якоже рѣша, Ондрѣю учащо въ Синопіи и пришедшо ему въ Корсунь, увидѣ, яко изъ Корсуни близъ устье Днѣпрское, вѣсхотѣ поити въ Римъ и приде въ устье Днѣпрское; оттолѣ поиде по Днѣпру горѣ, и по приключаю приде и ста подъ горами на березѣ. Заутра вѣставъ и рече къ сущимъ съ нимъ

ученикомъ: «видите ли горы сія? яко на сихъ горахъ возсі-
яеть благодать Божья, имать градъ великъ быти, и церкви
многи Богъ въздвигнути имать.» Въшедь на горы сія, благо-
слови я, постави крестъ, и помоливъся Богу, и сълѣзъ съ го-
ры сея, идѣже послѣже бысть Кіевъ, и поиде по Днѣпру горѣ.
И приде въ Словѣни, идѣже нынѣ Новъгородъ; и видѣ ту лю-
ди суцая, како есть обычаи имъ, и какъ ся мнѣють, хвощут-
ся, и удивися имъ. Иде въ Варяги и приде въ Римъ, испо-
вѣда, елико научи и елико видѣ, и рече имъ: «дивно видѣхъ
Словѣнскую землю, идучи ми сѣмо видѣхъ бани дровены, и
пережыгутъ є рамяно, совлокутъся и будутъ нази, и облѣются
квасомъ усніянымъ, и возмутъ на ся прутье младое, бьются
сами и того ся добьютъ, егда влѣзутъ лп живи, и облѣются
водою студеною, тако оживутъ; и то творять по вся дни не-
мучими никимъже, но сами ся мучать, и то творять не мо-
венье собѣ, а мученье.» Ты слышаще дивляхуса; Онъдрѣй же
бывъ въ Римѣ, приде въ Синошію.

Поляномъ же живущемъ особѣ и володѣющемъ роды сво-
ими, иже и до сее братьѣ бяху Поляне, и живяху каждо съ
своимъ родомъ и на своихъ мѣстѣхъ, владѣюще каждо родомъ
своимъ. Быша 3 братья, единому имя Кій, а другому Щекъ,
а третьему Хоривъ, сестра ихъ Лыбедь. Сѣдяще Кій на горѣ,
гдѣ же нынѣ увозъ Боричевъ, а Щекъ сѣдяше на горѣ, гдѣ
нынѣ зовется Щеговица, а Хоривъ на третьей горѣ, отъ него
же прозвася Хоревича; и створиша градъ, во имя брата своего
старѣйшаго, и нарекоша имя ему Кіевъ. Бяше около града лѣсъ
и боръ великъ, и бяху ловяща звѣрь; бяху мужи мудри и
смыслени, нарицахуса Поляне, отъ нихъ же есть Поляне
въ Кіевѣ и до сего дне. Ини же не свѣдуще рекоша,
яко Кій есть перевозникъ былъ; у Кіева бо бяше пере-
возъ тогда съ оной стороны Днѣпра, тѣмъ глаголаху: на
перевозъ на Кіевъ. Аще бо бы перевозникъ Кій, то не бы
ходилъ Царюгороду; но се Кій княжаше въ родѣ своемъ; при-
ходившио ему ко царю (*), якоже сказуютъ, яко велику честь
пріялъ отъ царя, при которомъ приходивъ цари. Идущю же
ему опять, приде къ Дунаеви, възлюби мѣсто и сруби гра-

(*) Въ Хлѣбн. дааѣе недостаетъ листа.

докъ малъ, хотяше сѣсти съ родомъ своимъ. и не даша ему ту близъ живущи; еже и донинѣ наричють Дунайци городище Киевецъ. Кіеви же пришедши въ свой градъ Кіевъ, ту животь свой сконча; а братъ его Щекъ и Хоривъ и сестра ихъ Лыбедь ту скончашася.

И по сихъ братьи держати почаша родъ ихъ княжене въ Поляхъ; въ Деревляхъ свое, а Дреговичи свое, а Словѣни свое въ Новѣгородѣ, а другое на Полотѣ, иже Полочане. Отъ нихъ же Кривичи, иже сѣдять наверхъ Волги, и наверхъ Двины и наверхъ Днѣпра, ихъ же градъ есть Смоленскъ; туда бо сѣдять Кривичи, таже Сѣверъ отъ нихъ. На Бѣлѣозерѣ сѣдять Весь, а на Ростовскомъ озерѣ Меря, а на Клевшинѣ озерѣ Меря же; по Оцѣ рѣцѣ, гдѣ потече въ Волгу, Муромъ языкъ свой, и Черемиси свой языкъ, Морѣдва свой языкъ. Се бо токмо Словѣнскъ языкъ въ Руси: Поляне, Деревляне. Ноугородци, Полочане, Дреговичи, Сѣверъ, Бужане, зане сѣдоша по Бугу, послѣже Вельняне. А се суть инии языци, иже дань даютъ Руси: Чюдь, Меря, Весь Мурома, Черемись, Морѣдва, Пермь, Печера, Ямь, Литва, Зимигола, Корсь, Норова, Либь; си суть свой языкъ имуще, отъ колѣна Афетова, иже живутъ въ странахъ полуночныхъ.

Словѣнску же языку, якоже рекохомъ, живущю на Дунаи, придоша отъ Скуеъ, рекше отъ Козарь, рекоміи Болгаре, сѣдоша по Дунаеви, населници Словѣномъ быша. Посемъ придоша Угри Бѣли, наслѣдиша землю Словенську; си бо Угри почаша быти при Иракліи цари, иже находиша на Хоздроя царя Перьскаго. Въ си же времена быша и Обри, ходиша на Ираклія царя и мало его не яша; си же Обрѣ воеваху на Словѣнѣхъ и примучиша Дулѣбы, сущая Словѣны, и насиле творяху женамъ Дулѣбскимъ: аще поѣхати будяше Обрину, не дадеше въпрячи коня, ни вола, но веляше въпрячи 3 ли, 4 ли, 5 ли женѣ въ телѣгу и повезти Обрѣна; тако мучаху Дулѣбы. Быша бо Обрѣ тѣломъ велици и умомъ горди, и Богъ потреби я, помроша вси, и не остася ни единъ Обрѣнъ; есть прятъча въ Руси и до сего дне: погибоша аки Обрѣ. ихъ же нѣсть племени, ни наслѣдка. По сихъ же придоша Печенѣзи; паки идоша Угри Черніи мимо Кіевъ, послѣже при Олѣѣ.

Поляномъ же живущемъ особѣ, якоже рекохомъ, суще отъ рода Словѣнска, и нарекошася Поляне, а Древляня же отъ Словѣнъ же, и нарекошася Древляне; Радимичи бо и Вятичи отъ Лиховъ. Бяста бо 2 брата въ Лясѣхъ, Радимъ, а другій Вятко; и пришедьша сѣдоста, Радимъ на Сѣю, прозвашася Радимичи, а Вятко сѣде съ родомъ своимъ по Оцѣ, отъ него же прозвашася Вятичи. И живяху въ мирѣ Поляне, и Древляне. Сѣверь, и Радимичь. и Вятичи, и Хрвате. Дулѣби живяху по Бугу, гдѣ нынѣ Вельшяне, а Улучи Тиверци сѣяху по Днѣстру, присѣяху къ Дунаеву; бѣ множество ихъ, сѣяху бо по Днѣстру оли до моря, суть гради ихъ и до сего дне. да то ся зваху отъ Грекъ Великая Скувь.

Имяху бо обычаи свои, и законъ отецъ своихъ и преданья, каждо свой нравъ. Поляне бо своихъ отецъ обычаи имуть кротокъ и тихъ, и стыдѣнне къ снохамъ своимъ и къ сестрамъ, къ матеремъ и къ родителямъ своимъ, къ свекровемъ, и къ деверемъ велико стыдѣнне имѣху; брачныи обычаи имяху: не хожаше зять по невѣсту, но приводяху вечерь, а завѣтра приношаху по ней что владуче. А Древляне живяху звѣринскимъ образомъ, живуще скотски: убиваху другъ друга, ядаху вся нечисто, и брака у нихъ не бываше, но умыкиваху уведы дѣвици. И Радимичи, и Вятичи, и Сѣверь одинъ обычаи имяху: живяху въ лѣсѣ, якоже всякій звѣрь. ядуще все нечисто, срамословье въ нихъ предъ отци и предъ снохами; браци не бываху въ нихъ, но игрища межю селы. Схожахуся на игрища, на плясанье, и на вся бѣсовская игрища, и ту умыкаху жены собѣ, съ нею же кто съвѣщашася; имяху же по двѣ и по три жены. Аще кто умрише, творяху трызну надъ нимъ, и посемъ творяху кладу велику, и възложашуть и на кладу мертвеца, сожъжаху, а посемъ собравше кости, вложашу въ судину малу и поставяху на столпѣ на путехъ. еже творять Вятичи и нынѣ. Си же творяху обычаи Кривичи, прочии погани, не вѣдуще закона Божья, но творяще сами собѣ законъ.

Глаголетъ Георгій въ лѣтописаньи (*): ибо комуждо языку овѣмъ исписанъ законъ есть, другимъ же обычаи; зане .безаконни-

(*) Хронографъ Георгій Амарголь.

комъ отечество мнится. Отъ нихъ же первіе Сиріи, живуще на конецъ земля, законъ имуть отецъ своихъ обычаи: не любодѣяти и прелюбодѣяти, ни красти, ни оклеветати, ли убити, ли злодѣяти весьма. Законъ же Нуктирианъ, глаголеми Врахмане и Островъници, еже отъ прадѣдъ показаньемъ, благочестьемъ мясъ не ядуще, ни вина пьюще, ни блуда творяще, ни какою же злобы творяще, страха ради многа. Ибо явѣ таче лежащимъ къ нимъ Индомъ, убишводѣици, сквернотворяще, гнѣвливи паче естества; въ нутрьнѣйшей странѣ пхъ человекъ ядуще, и странствующихъ убиваху, паче же ядятъ яко пси. Етеръ же законъ Халдѣемъ, Вавилоняномъ, матери помати, съ братними чады блудъ дѣяти, и убивати; всякое бо студное дѣянье яко дѣтеле мнятся дѣюще, любо далече страны своя будутъ. Инъ же законъ Гиліомъ: жены въ нихъ орютъ, зиждуть храми, мужьская дѣла творять, но лобы творять елико хочеть, не въздержаеми отъ мужіи своихъ весьма, ни зазрять; въ нихъ же суть храбрія жены, ловити звѣрь крѣпко; владѣють же жены мужи своими (*) и добляють имп. Во Врѣтанъи же мнози мужи съ единою женою спять, и жены съ единымъ мужемъ похотѣствуютъ, безаконная законъ отецъ творять независтно, ни въздержанно. Амазоняне же мужа не имуть, но и аки скотъ безсловесный единою лѣтомъ къ вешнымъ днемъ оземьствени будутъ, и сочтаются съ окрестнымъ мужи; яко нѣкоторое имъ торжество и велико празднество время тѣмъ мнать. Отъ нихъ заченшимъ въ чревѣ, паки разбѣгнутся отсюду вси: во время же хотящимъ родити, аще родится отроча, погубять; аще дѣвоческъ полъ, то въздоять, прплежнѣ възпитають. Якоже се и при насъ пниѣ Половци законъ держать отецъ своихъ, кровь проливати, а хвалящеса о сихъ, ядуще мертвечпну и всю нечистоту, хомѣки и сусолы; поимають мачехи своя, ятрови, и ины обычая отецъ своихъ творять. Мы же хрстіане, елико земль, иже вѣрують въ святую Троицу, въ едино крещенье, въ едну вѣру, законъ иمامъ единъ, елико во Христа крестихомся и во Христа облекохомся.

По сихъ же лѣтѣхъ, по смерти братѣ сая; быша обидимы Древліями, инѣми околнимъ, и нандоша я Козарѣ сѣдящая на

(*) Продолжается Хлѣбн.

горахъ сихъ въ лѣсѣхъ, и рѣша Козари: «платите намъ дань». Съдумавше Поляне и вдаша отъ дыма мечъ (*), и несоша Козари ко князю своему и къ старійшинамъ, и рѣша имъ: „се надѣ. зохомъ дань нову“. Они же рѣша имъ: „откуда?“ они же рѣша: „въ лѣсѣ на горахъ, надъ рѣкою Днѣпрскою“. Они же рѣша: „что суть въ дали?“ они же показаша мечъ. Рѣша старци Козарьстии: „недобра дань, княже! мы ся доискахомъ оружьемъ одною стороною, рекше саблями, а сихъ оружье обоюду остро, рекше мечъ; си имуть имати дань на насъ и на инѣхъ странахъ“. Се же сбысться все; не отъ своя воля рекоша, но отъ Божья повелѣнья. Яко при Фаравонѣ цари Еюпетьстѣмъ, еда приведоша Моисѣя предъ Фаравона, и рѣша старѣйшина Фараона: се хочеть смирити область Еюпетьскую. Якоже и бысть: погибоша Еюптiane отъ Моисѣя, а первое быша работающе имъ. Тако и си владѣша, а послѣже самѣми владѣють; якоже бысть, володѣють Козары Русьскіе и до днешняго дне.

Въ лѣто 6360, индикта 15, наченшию Михайлу царствовати, начася прозывати Руска земля. О семъ бо увѣдахомъ, яко при семъ цари приходиша Русь на Царьгородъ, якоже пишется въ лѣтописаньи Гречьстѣмъ: тѣмже отселѣ почнемъ и числа положимъ. Яко отъ Адама до потопа лѣтъ 2242; а отъ потопа до Аврама лѣтъ 1000 и 82; а отъ Аврама до исхожденья Моисѣева лѣтъ 430; а отъ исхожденья Моисѣева до Давыда лѣтъ 600 и 1; а отъ Давыда и отъ начала царства Соломона до плѣненья Іерусалимля лѣтъ 448; а отъ плѣненья до Олександра лѣтъ 318; а отъ Олександра до Рожества Христова лѣтъ 333; а отъ Христова Рожества до Костянтина лѣтъ 318; а отъ Костянтина же до Михайла сего лѣтъ 542. А отъ перваго лѣта Михайлова де перваго лѣта Олгова, Рускаго князя, лѣтъ 29; а отъ перваго лѣта Олгова, понеже сѣде въ Кіевѣ, до перваго лѣта Игорева лѣтъ 31. а отъ перваго лѣта Игорева до перваго лѣта Святъславля лѣтъ 33; а отъ перваго лѣта Святославля до перваго лѣта Ярополча лѣтъ 28; а Ярополкъ княжи лѣтъ 8; а Володимеръ лѣтъ 37; а Ярославъ княжи лѣтъ 40. Тѣмже отъ смерти Святославля до смерти Ярославля лѣтъ 85; а отъ смерти Ярославля до смерти Святополчи лѣтъ 60.

(*) Въ Радз. даѣе недостаетъ листа.

Но мы на прежнее возвратимся, скажемъ, што ся удѣя лѣта си, якоже преже почали бяхомъ первое лѣто Михайломъ, а по ряду положимъ числа.

Въ лѣто 6361. Въ лѣто 6362. Въ лѣто 6363. Въ лѣто 6364. Въ лѣто 6365. Въ лѣто 6366. Михайлъ царь изиде съ вои брегомъ и моремъ на Болгары; Болгаре же увидѣвше, не могоша стати противу, креститися просиша и покоритися Грекомъ. Царь же крестит князя ихъ и боляры вся. и миръ створи съ Болгары.

(*) Въ лѣто 6367. Имаху дань Варязи изъ заморья на Чюди и на Словѣнхъ, на Мери и на всѣхъ Кривичѣхъ; а Козари имаху на Полянѣхъ, и на Сѣверѣхъ, и на Вятчѣхъ, имаху по бѣлѣ и вѣверицѣ отъ дыма.

Въ лѣто 6368. Въ лѣто 6369. Въ лѣто 6370. Изъгнаша Варяги за море, и не дана имъ дани, и почаша сами въ собѣ володѣти; и не бѣ въ нихъ правды, и вѣста родъ на родъ, быша въ нихъ усобицѣ, и воевати почаша сами на ся. Рѣша сами въ себѣ: „поищемъ собѣ князя, иже бы володѣлъ нами и судилъ по праву.“ Идоша за море къ Варягомъ къ Руси. сице бо ся зваху тѣ Варязи Русь, яко се друзи зовутся Свое, друзи же Урмане, Англиане. друзи Гѣте; тако и си. Рѣша Руси Чюдъ, Словѣни и Кривичи: „вся земля наша велика и обилна, а наряда въ ней нѣтъ; да поидѣте княжити и володѣти нами“. И избрашася 3 братья съ роды своими, пояша по собѣ всю Русь, и придоша; старѣйшій Рюрикъ сѣдѣ въ Новѣградѣ, а другій Синеусъ на Бѣлѣозерѣ, а третій Изборьстѣ Труворѣ. Отъ тѣхъ прозвася Руская земля, Новгородьци: ти суть людье Новгородьци отъ рода Варяжьска, преже бо бѣша Словѣни. По дву же лѣту Синеусъ умре, и братъ его Труворъ, и прія власть Рюрикъ; и раздая мужемъ своимъ грады, овому Полотескъ, овому Ростовъ, другому Бѣлоозеро. И по тѣмъ городомъ суть находници Варязи; а первыи насельници въ Новѣгородѣ Словѣне, Полотьски Кривичи, въ Ростовѣ Мери, въ Бѣлѣозерѣ Веси, въ Муромѣ Муроми. и тѣми всѣми обладаше Рюрикъ. И бяста у него 2 мужа, не племени его, по

(*) Продолжается Радъ.

боярина, и та испросистася ко Царюгороду съ родомъ своимъ. И поидоста по Днѣпру, и идуче мимо, и узрѣста на горѣ градокъ и упрощаста, рѣста: „чій се градокъ?“ они же рѣша: „была суть 3 брата, Кій, Щекъ, Хоривъ, иже сдѣлаша градокъ ось, и изгибоша, и мы сѣдимъ платяче дань родомъ ихъ Козаромъ“. Асколдъ же и Диръ остана въ градѣ семъ, и многи Варяги скуписта, и начаста владѣти Польскою землею. Рюрику же княжашу въ Новѣгородѣ.

Въ лѣто 6371, въ лѣто 6372, въ лѣто 6373, въ лѣто 6374, иде Асколдъ и Диръ на Греки, и придоша въ 14 лѣто Михаила царя. Царю же отшедши на Огаряны, дошедши же ему Черные рѣки, вѣсть епархъ посла къ нему, яко Русь на Царьгородъ идетъ, и вратися царь. Си же внутрь Суду вшедше, много убійство крестьяномъ створиша, и въ двою сотъ корабль Царьградъ остушиша. Царь же едва въ градѣ видѣ: съ патрехомъ съ Фотьемъ къ сущей церкви святѣй Богородицѣ Влахѣриѣ всю ночь молитву створиша. таже божественную святы Богородица ризу съ пѣсньми изнесыше, въ рѣку омочиша. Тишинѣ сущи, морю укротившися, абѣ буря вѣста съ вѣтромъ, и волнамъ вельямъ вѣставшемъ засобъ, безбожныхъ Руси корабль смяте, къ берегу приверже, и изби я, яко мало ихъ отъ таковыя бѣды избѣгнути. вѣсвоися вѣзвратисася.

Въ лѣто 6375. Въ лѣто 6376. Поча царствовати Василий.

Въ лѣто 6377. Крещена бысть вся земля Болгарская.

Въ лѣто 6378. Въ лѣто 6379. Въ лѣто 6380. Въ лѣто 6381. Въ лѣто 6382. Въ лѣто 6383. Въ лѣто 6384. Въ лѣто 6385. Въ лѣто 6386. Въ лѣто 6387. Умершю Рюрикови, предасть княжене свое Олгови, отъ роду ему суща, вѣдавъ ему сынъ свой на руцѣ Игоря; бысть бо дѣтескъ вельми.

Въ лѣто 6388. Въ лѣто 6389. Въ лѣто 6390. Поиде Олегъ, поимъ воя многи, Варяги, Чюдь, Словѣни, Мерю, Вель, Кривичи, и приде къ Смоленску съ Кривичи, и прія градъ, и посади мужъ свой. Оттуда поиде внизъ, и взя Любець, и посади мужъ свой. Придоста къ горамъ къ Кіевскимъ, и увидѣ Олегъ, яко Асколдъ и Диръ княжита, похорони вои въ лодьяхъ, а другія назади остави, а самъ приде нося Игоря дѣтска. И приплу подѣ Угорское, похоронивъ вои своя, и присла ко Асколду и Дирови, глаголя: „яко гость есмь, идемъ въ